

Uunga siunnersuut: Piniarneq aallaaniarnerlu pillugit Inatsisartut inatsisaata allanngortinnissaa pillugu Inatsisartut inatsisaat

(Akiliisitsilluni aallaaniarnermik aqqissuussisartunut najugaqartussaataitaanermut piunasaqaatip ukiunit marlunnit ukiunut tallimanut sivitsorneqarnera kiisalu qinnuteqarnermi immikkut ittumik akuersinissamut malittarisassat nutarneqarnerat, kiisalu akuersissummik qinnuteqarnermi immikkuullarissumik najugarisaaq pillugu uppersaasiinissamik erseqqissaaneq)

(Aalisarnermut Piniarnermullu Naalakkersuisoq)

**Saqqummiussissut
Siullermeerneqarnera**

Piniarneq aallaaniarnerlu pillugit inatsisip allanngortinnissaanut siunnersuut Naalakkersuisut sinnerlugit matumuuna saqqummiuppara.

Nunatsinni aalajangersimasumik najugaqartussaataitaanermut piunasaqaatip ukiunut tallimanut sivitsorneqarnissaa pillugu siunnersuummut tunngaviuvoq akiliisitsilluni aallaaniarnermik aqqissuussisartut inuiaqatigiinnut kalaallinut attuumassuteqarnissaaq pillugu piunasaqaatit sukateriffiqarnissaaq kissaatigineqarmat. Kissaatigineqartoq taanna 2023-mi Piniarneq aallaaniarnerlu pillugit inatsisip Inatsisartuni suliarineqarnerani saqqummiunneqareerpoq, Naalakkersuisullu suliarineqarnissaanut matumuuna qaqippaat. Tammajuitsussarsiorluni piniarnerup neqeroorutigineqarnerani pisariaqartinneqartumik misilittagallit najukkami ingerlataqartut kiisalu piniakkanik isumalluutit atorneqarnerini piujuartitsinerup siuarsarneqarnissaaq qulakkeerneqarnissaaq siunertarineqarpoq.

Tammajuitsussarsiorluninut piunasaqaammii immikkut akuersinissamut periarfissamik ikkussisoqarsinnaavoq, qinnuteqartoq, ilinniarneq assigisaaluunniit pissutigalugu piffissami tassani Kalaallit Nunaata avataaniissimappat, ukiunik tallimani piunasaqarnermiit taamaallaat immikkut akuersisoqarsinnaalluni. Taaguummi "assigisaaluunniit" assersuutigalugu suliffimmi sungiusarnernut, ilinniaqqinnernut aqqissuussinernut imaluunniit qanigisap napparsimaneranut innersuussisoqarpoq.

Tamatuma saniatigut najugarisamiit uteqattaarluni nuuttarnikkut qinnuteqartup inuussutissarsiutigalugu piniarnermut akuersissummik pissarsisinnaaneranut inerteqqussut atuuttoq sukaterneqarpoq.

Kalaallit Nunaani piniagassanik aallaaniarnermullu isumalluutit akisussaassuseqarnerusumik aqunneqarnissaaq kiisalu najukkami piniarnermi ileqqut kulturikkullu naleqartitat ataqpineqarnissaannut paasineqarnissaannullu siunnersuutikkut tapersorneqarput. Aamma attuumassuteqarnissamik piunasaqaammik sukaterineq, oqartussat suleqatillu peqatigalugit sunnuteqarluartumik ataqatigiissaarinnermut aalajangiisuusunut attaveqatigiinnermut aamma najukkami annertuumik attaveqarfinnut tatiginninnermullu tapersuutaassasoq naatsorsuutigaara. Tamatuma saniatigut allannguut atortussiasat aatsitassanit pisut pillugit inatsimmut aamma aalisarneq pillugu inatsimmut naleqqussaaneruvoq.

Inatsisissatut siunnersuummi immikkoortut pingaarnerit innersuussutigalugit, siunnersuut matumuuna Inatsisartunut oqaluuserisassanngortippara.